

## Kataeb ken badda toksim reply to Ahmadiyyeh

كتب أحمدية:

صرك يا استاذ طوني حاملي الفدارليه والتقسيم من سنين... هلق بالسبعينات طرح التقسيم من حزب الكتائب وغيره وصار الحرب وشفنا النتيجة... الفدراليه ما بتضطبط بلبنان وحاجي تقارن لبنان باميركا واوروبا. مشكله اللبناني منا طءفيه ولا كنعانيه ولا اقتصاديه ولا حزبيه... المشكله أخلاقية... طلاع بقا من هالنغمه...

كتب طوني:

ايمتى ووين وكيف طرح حزب الكتائب التّقسيم؟ هيدي كزبي واختراع خصوم واعداء الكتائب. الجبها اللبنانيّ، طرحو الفيديراليه بالحرب لنضهر من الحرب ول نعالج الاسباب لي انتجت الحرب. واللّزّي إنو الكتائب عارضت حتى الفيديراليه ومن قلب الجبهة بقا هيدا برهان إضافي! لما احكي عن الفيديراليه، بعطي مثل الامارات وبلجيكا والمانيا وسويسرا للدلالي انو الفيديراليه مش تّسليم وبضللّ البلد واحد موحد. يا ريتك حضرتك الفيديو كلّو، وازا حضرتو وما سمعت عن الاسباب الموجبي العلميّ للفيديراليه، فهيدي مصيبي. على كل حال، راح عيداً: العلوم السياسيّ والعلوم الانسانيّ والعلوم الاجتماعيّ بتدعي اي مجتمع تعددي يعمل فيديراليه او تّسليم.

هيدي نغمة تسخيف الامور وتسطيحا، بلاها. بدعيك عن جديد تحضر الفيديو كلّو سوا واكثر من مرّا. تحياتي إلك ومع محبتي

كتب روجيه:

حضره الاستاذ طوني حدشيتي... سنة ١٩٧٧ الشيخ بيار الجميل رحمه الله حكي وطرح خطه تقسيم للبنان ودوله مارونيه...

<http://www.moqatel.com/openshare/Behoth/Siasia21/HarbLebnan/sec102.htm>

هيذا مقال دليل انو كانت موجوده فكره التقسيم من حزب الكتائب.. ما تقلي كزب والخ... اقرء مقاله اعمل معروف.... بعدين يا استاذ الكلمه "تقسيم" بالغه العربيه.. مش "تءسيم". احترامامي ومودتي استاذ طوني..

كتب مارك:

عزيزي سيد أحمدية بكل محبة، مرقت عل مقال: هذا بيان للحركة الوطنية يقول إن الجميل قال هيك. فترضنا صح. لمن المسلمين، مؤمنين ومن ذوي اليساريين، وبضهرن الفلسطينيين، بدن يستوخدوا ع لبنان، بتلوم الكتائب؟ لمن البيان بيذكر إنو الموارنة مش عرب، وبالأخر بيعلن أنو لازم لبنان يكون بلد عربي، بتلوم الكتائب (أو غيرن)؟ يا ريت تراجع محاضرة جنبلاط سنة ١٩٥٦ كيف كان قاتل حالو عل الفدرالية. إذا كان بشير طمع بوراثة لبنان الماروني على حد تعبير البيان، فماذا عن جنبلاط الذي تواجه مع الأسد في موضوع حكم أقلية لأكثرية؟ فجنبلاط كمان طمع بوراثة "الإمارة". أخيرا "تءسيم" هي باللبناني، ووفق المعاهد اللغوية العالمية، اللبناني مش لهجة عربية، وطوني عم يكتب لبناني... شكرا عالنفاش البناء ع كل حال!